

PATRIARCHATUS CONSTANTINOPOLITANI. 243

APAMEA Cibotis Ptol. lib. 5. cap. 2. & dictæ Notitiæ. ¹ *Tarsitius* Apamensis Concilio Nicæno primo subscripsit, & *Paulinus* Epist. Synod. ad eundem Imperatorem.

TYTIASSUS Notitiæ antiquæ Pisidiæ civitas. *Heraclides* Tituensis in Concilio Constantinopolitano generali secundo legitur pro Tytiassensis, ut reor, estque inter Episcopos Pamphyliæ Pisidiæ vicinæ.

BARIS Notitiæ, & Ptol. ibid. *Heraclius* Barenfis ex Pisidia Conc. Nicæno primo interfuit.

² ADRIANOPOLIS Notitiæ eidem. *Themistius* hujus Antistes in Pisidia Conc. Constantinop. primo subscripsit, & *Florentius* Adrianopolitanus Epistolæ Synodali ad Leonem Imperatorem.

LIMENOPOLIS libro Concil. Limenis dictæ Notitiæ. ³ *Castinus* Limenopoleos eidem Epistolæ Synodali ad Leonem Imperatorem subscriptus legitur.

LAODICEA Combusta Stephano in Galatia, sed Notitiæ in Pisidia; *Licbe* incolis dicitur teste Molano. *Messalini* hujus Laodiceæ, ut reor, Præfulis memoria est in Concilio Chalcedonensi.

⁴ SELEUCIA Notitiæ, & Ptolem. ibidem. *Eutychius* Seleuciensis Episcopus Nicæno Conc. subscripsit, & *Alexander* Epist. Synod. ad Leonem Imperatorem.

ADADA Notitiæ, & Ptolem. ibid. in Cod. Palatino. *Ananii* Adadenfis meminit Conc. Constantinop. primum, & *Eutropii* Adadenorum civitatis Episcopi eadem Epist. Synod. ad Leonem.

⁵ MALLUS dictæ Notitiæ, Malinopolis libro Conc. cujus Episcopus *Attalus* eidem Epistolæ Synodali subscripsit.

SINIANDUS dictæ Notitiæ. *Eugenius* Synnadorum pro Siniandorum Antistes legitur subscriptus Synodice Epistolæ ad Leonem Imperatorem.

METROPOLIS Notitiæ & Ptolem. lib. 5. cap. 2. ⁶ *Eustathius* ejus civitatis Præful subscripsit Conc. Constantinop. primo, & *Minophilus* Metropolitanorum Epist. Synod. ad Leonem Imperat.

PARALAIUS Notitiæ & Ptol. lib. 5. cap. 6. Paralais. ⁷ *Patricius* Paraliensis Conc. Constantinop. primo subscripsit, & *Libanius* Paratenus pro Paralaitenus, ut arbitror, dictus, Synod. Epistolæ ad eundem Imperatorem.

BINDEUM Notitiæ, & Leuncl. Bensos, ut reor, juxta Antiochiam hujus Provinciæ Metropolitum apud Ptolemæum. *Theodorus* Episcopus Bindei in Conc. Constantinop. generali sexto legitur.

PHILOMELIUM Ptol. lib. 5. cap. 2. quibusdam in Phrygia est. *Theosebius* Philomeliensis ex Pisidia Concilio Constantinopolitano primo subscripsit, & *Marcianus* Episcopus Philomelii Synod. Epistolæ ad Leonem Imperatorem.

PROSTAMA Ptol. lib. 5. cap. 5. *Attalus* Prostamenfis in Pisidia Antistes legitur in subscriptionibus primi Concilii Constantinopolitani.

GORTENUS & Theodosiopolitanus Episcopi præter modo dictos subscripsit.

H h 2

NOTÆ LUÆ HOLSTENII.

¹ *Tarsitius* &c. Conc. Nic. 1. subsc. Philippus ejus Episcopus translatus fuit Eudoxiopolin, ut ex Nicephoro Callisto pag. antecedenti notavi.

² *Adrianopolis* Not. eid. Telemachus subscripsit Concilio Nicæno. Olympius Adrianopoleos Episcopus scripsit contra Origenem de resurrectione, teste S. Maximo ad cap. 7. Dionysii de Eccl. Hierarch. sed ibi Lyciæ tribuit. *Themistius* &c. Conc. Constant. 1. subsc. Theophilus Chalcedonensi A. 6. &c.

³ *Castinus* &c. Uranius Limensis inter Pisidiæ Episcopos subscripsit Concil. Nicæno, ut habet codex MS. antiquissimus.

⁴ *Seleucia* cognomento Ferrea Hierocli &c. *Eutych.* *Seleuc. Ep.* Pisidiæ [Nicæno Concilio subscripsit.]

⁵ *Mallus* Hierocli & [d. Not. &c. Attalus eidem ep. Syn. subsc.] ut & Synodice Gennadii P. CP. Tom. 1. Juris Græco-Rom. ubi Μαλινῶν Episcopus vocatur.

⁶ *Eustathius* &c. Polycarpus subscripsit Concil. Nicæno &c. Joannes Concilio Constantinopolitano sub Menna.

⁷ *Patricius Paraliensis* &c. Academicus Parenfis, sive ut MS. habet à Paro, inter Pisidiæ Episcopos subscripsit Concil. Nicæno, quem ego ad hunc locum pertinere non dubito.